

UNIVERZITET U TUZLI

Broj: 01-3841-1/20

Tuzla, 03.09.2020. godine

Na osnovu člana 65. stav (1) tačka r) Statuta Univerziteta u Tuzli, a u skladu sa preporukama Zavoda za javno zdravstvo FBiH, Rektorica Univerziteta u Tuzli donosi

UPUTSTVO

za zakupce i druge korisnike Univerzitetske sportske dvorane i dvorane na Filozofskom fakultetu Univerziteta u Tuzli za postupanje i provođenje mjera sigurnosti i zaštite zdravlja u okolnostima rizika od zarazne bolesti COVID 19

I

Ovim Uputstvom propisuje se postupanje za zakupce i druge korisnike Univerzitetske sportske dvorane i dvorane na Filozofskom fakultetu Univerziteta u Tuzli (u daljem tekstu: dvorane) pri provođenju mjera sigurnosti i zaštite zdravlja u okolnostima rizika od zarazne bolesti COVID 19 tokom održavanja rekreacije, trenažnog procesa, odigravanja utakmica i drugih aktivnosti, kako slijedi:

1. Neophodno je pridržavati se utvrđenih termina i utvrđenog rasporeda korištenja dvorana.
2. Korisnici dvorana obavezni su doći 15 minuta prije utvrđenog termina održavanja aktivnosti, a ulazak je moguć isključivo uz prisustvo odgovorne osobe i kada prethodna grupa napusti dvoranu.
3. Prije dolaska u prostorije Univerziteta potrebno je izmjeriti tjelesnu temperaturu. Ukoliko tjelesna temperatura korisnika prelazi 37,2°C, ako korisnici pokazuju znakove akutne respiratorne bolesti (povišena tjelesna temperatura, kašalj, bol u grudima, poteškoće u disanju, poremećaj osjeta miris i okusa i sl) te ako su bili u kontaktu sa osobama za koje se sumnja da su zaražene ili je potvrđeno da su zaražene koronavirusom, potrebno je da ne dolaze u dvorane, nego da se jave ljekaru porodične medicine.
4. Prilikom ulaska u dvorane obavezno će se svim korisnicima mjeriti tjelesna temperatura bezkontaktnim digitalnim toplomjerom, te popunjavati i potpisivati propisani obrazac (evidencija o mjerenju tjelesne temperature i sanitarni upitnik).
5. Prilikom ulaska obavezna je dezinfekcija ruku putem dozatora sa dezinfekcionim sredstvom.
6. Zakupac ili druga odgovorna osoba obavezna je prije ulaska u dvorane potpisati Izjavu da preuzima odgovornost za svoje članove za postupanje i provođenje mjera sigurnosti i zaštite zdravlja u skladu sa ovim Uputstvom i preporukama Zavoda za javno zdravstvo FBiH.
7. U dvoranama može biti prisutno najviše 50 (pedeset) osoba, uključujući trenere, instruktore, voditelje odnosno sve osobe koje se nalaze u prostoru za trening ili sportsko rekreativnu aktivnost.
8. Treneri, instruktori, voditelji i zaposlenici obavezni su nositi zaštitne maske preko usta i nosa za vrijeme rada.

9. Nakon treninga/sportskih aktivnosti zadržavanje u prostorima Univerziteta nije dozvoljeno duže nego je potrebno. Boravak u svlačionicama potrebno je svesti na nužni minimum.
Shodno preporukama Zavoda za javno zdravstvo FBiH, tuširanje nije dozvoljeno.
10. Prilikom odigravanja utakmica nije dozvoljen ulaz posjetiocima.

II

Zakupac dvorana ili odgovorna osoba dužna je sa ovim Uputstvom kao i preporukama Zavoda za javno zdravstvo FBiH upoznati svoje članove te se pridržavati istih.

III

Ovo Uputstvo se primjenjuje počev od 07.09.2020. godine i sastavni je dio Ugovora koji će biti potpisan između Univerziteta u Tuzli i Zakupca dvorana.

IV

Izmjene i dopune ovog Uputstva vršit će se u zavisnosti od promjene epidemiloške situacije i Preporuka/Naredbi nadležnih organa.

Dostaviti:

1x Centar za sport
1x Zakupci i dr. korisnici

a/a



REKTORICA

Nermina Hadžigrahić
Dr. sci. Nermina Hadžigrahić, red. prof.